

畿輔通志卷一百八十

略一百三十五

古蹟二十七

寺觀三

保定

承德

保定府

清苑縣

鐵佛寺在縣境

據陵川集增 元郝經鐵佛寺讀書堂記郝氏始自太原遷澤潞復遷許洛復再遷於燕

趙之交治經業儒者六世百有餘年以及於先君於是經始
壬辰之變始居於保歲戊戌先君官於保之滿城是歲經始
知學喜爲詩文適詔試天下士第者復其家驅者爲良遂爲
決科文其冬至自滿城先君謂先妣言今吾孱病且老諸子
皆幼吾欲使大男經督家事而懼廢其學欲令專爲學則無
以督吾家奈何先妣曰自吾適郝氏逮事先翁姑聞郝氏之
先未有不爲學者如楊侍郎士表元內翰裕之武右司從善
輩皆有聲當世吾門自出可反令吾子未學而廢先世乎不
過吾忍窮數年耳政使餓死亦樂無憾先君曰是吾志也遂
決意令經爲學時就廬託處無以爲生業乃假屋於鐵佛寺
僧張仲安得其南堂俾經居之且聚童子數十輩教之句讀
以佐生業夏四月一日始入而從事先君命之曰爾祖所以
命吾者今其命汝學所以爲道非爲藝能也所以修身非爲
祿養也今國家方以武治未遑選舉汝其無爲決科之文今

世以詩文事聲譽者記問以事吻頰者皆藝能之學汝其勿爲我先世有學之序焉天人之際道德之理性命之原經術之本其先務也諸子史典故所以考先代之迹也當次之諸先正文集藝能之數也又當次之若夫陰陽術數異端雜學無妄費日力慎勿慕人紛華戚吾之窮也爾祖有言士不能忍窮一事不能立故忍窮爲學之本郝氏之家法也遂以太極先天二圖通書西銘二書付畀且指授其義曰此爾曾叔父東軒老得諸程氏之門者爾其勉之經再拜受命退而爲學日誦二千言爲課夜則考其傳註始入夜往庀家事春粟治菽二鼓入於書堂龕燈隱几不解衣帶閱誦綴錄昏怠則仰就背枕以假寢方五鼓往庀家事負薪汲水黎明入於書室以是爲常雖盛暑大寒不替也先妣時來竊視見其殘燈無焰向晨不寐呼經而誦曰汝何自苦如是吾所不忍也經再拜言今二親忍窮使兒讀書惟恐不篤不爲苦也先妣曰汝能如是吾無憾矣初治六經之時以爲感發志意者莫過乎詩於是先治詩二帝三王之心傳口授者莫過乎書於是乎詩而後書先王治世之具莫大於禮樂於是乎治禮大經大法撥亂反正莫大於春秋於是乎治春秋窮理盡性以至於命以際天人之學者莫大於易故以爲終身之學其餘自語孟子史諸書各如先君之命治之不敢少躐其等殺焉歲癸卯順天道左副元帥祁陽賈侯邀致其府始去寺堂居寺堂者叙末五年凡當治之書及幾數焉歲乙卯被徵而先妣已僊去己未與政於王府宣撫江淮諸道先君亦已亡矣中統元年至自武昌寺僧張仲安來謁與之俱至讀書之所顧

二親而不見庭中之栢已自參天而仲安霜桺滿頂欲爲向
之汲薪之事而無能爲矣乃謂仲安曰昔子路思復爲親負
米而不可得今余有甚焉於是泗涕橫集因爲慟號旣而仲
安請記其事於屋壁乃揮涕而書此名堂曰讀書堂云仲安
保州人嘗爲汴京相國寺提點每勅試梵貝輒爲第一慷慨
尚義喜延接賓客河南亡衣冠流落仲安嘗日飯數十人無
所歸者使之居至於踰年卒無厭色而戒行甚謹經與久處
故尤見其嚴而無鏘者焉三月十五日謹記 又和陶答龐
參軍詩注云始予年十六讀書於保塞鐵佛寺南堂不解衣
帶坐徹明者五年感而思之爲賦是詩也 孤燈長明終夜
誦書躋深凌高中心自娛載汲載薪不遑甯居惟梗伊達託
處聚廬以道爲富以德爲珍勤以修身孝以事親師心造聖
不資於人靜境神會伊顏孔鄰窮年揭揭日夕孜孜力探自
得何樂如之作爲文章暢爲歌詩聲滿天地無爲無思渾沌
復鑿太極再分警覺不寐怡然懽懽起遠蹈馭風騎雲萬
動皆寂博我以文一席五載默以道鳴弓旌下招遂成飄零
遠奉信函使於吳京故業委地朔南失甯焰焰古佛依依北
風深窗短檠時見夢中孰令一人乃異初終祇緊其逢載飭
躬厥

崇興寺在縣北和莊有明傳珪所撰重修記載邑志記文漫
漶不可讀就其中可識者約略詮次云縣爲里二十有四延

福號稱大里地廣民秀清苑第一里也其地在清苑之南境

清苑之治於南者於是乎極凡爲村落十有五和莊又爲延

福第一村

採訪冊

昊天寺在縣東十里大陽村

縣志 明高燿重修昊天寺記略余田居傳村庄在保定郡城

之東十里去西南三里許有村曰大陽地相近也村之西有寺曰昊天蓋古刹也稽諸建立則始於元至元之二年重修則相繼於我明之天順宏治間歷歲滋久頽乎敝矣寺之任持意興及鄉之耆老路大朝輩相期撤而新之既竣事乃因余往來傳村走請爲記寺經始於隆慶三年三月初七日落成於十月十五日八閏月而工告完輪奐鮮明金碧照耀儼乎鹿苑雞園雁堂鷲嶺一方瞻仰倍加崇信億若意興輩可謂有功於其教矣於是乎書以貽之其殿堂廊廡之廣狹塑像佛號之森嚴門牆方丈之遺址則舊有碑記皆不復載云

大悲閣在郡治東莊嶽間高九丈觀音像高三丈許元庚戌

大帥張柔建重簷黝堊光彩耀日爲一方勝槩

府志 元劉因詩十載雞

泉隱今朝市閣晴民謠混列國里號帶軍營遼海依依見堯山隱隱橫懷仙與思古獨立若爲情 國朝高桂詩岩髡高

閣梵王筵剝落殘碑不記年檻外烟雲連紫極窗前日月湧
金天颺風萬鐸聲齊震晦夜一燈光自懸曾憶少時頻眺望
重登老眼嘆茫然郭燦詩金身丈六敞經筵閣建前朝戰
伐年舉手便捫七寶闕到頭只讓九重天樹間白動雞泉轉
海上青浮日觀懸真是登臨低萬象西來山色盡蒼然王
皀詩燕市珠樓樹杪看祇園金閣碧雲端旛開倒影三天曉
鐘徹靈風萬井寒西嶺當窗分疊嶂南川拂檻送長瀾下方
化出人間世花滿香城色界寬陳正大悲閣詩高閣凌空
敞梵筵丹題碧瓦憶當年雲開夕影含祇樹氣接晨星動遠
天檻外晴看三輔盡宵中時見一燈懸慙余遜跡荒郊久今
日登臨倍爽然張秉曜早春雪後同陶太庸登大悲閣夕
眺詩早春寒未已佛閣澹晴暉望野千山白憑欄一氣圍問
天間闔近逃俗市塵違夕照林深處蒼茫獨鳥飛

天甯寺在縣境

據遺山集增

金元好問與同年敬鼎臣宿

順天天甯僧舍詩蕭蕭風雨打幽窗耿耿青

燈對各牀每恨相望隔關塞豈知連日醉壺觴萍蘂味薄堪

長久茅屋寒多且閉藏三十餘年老兄弟此回情話獨難忘

謹案此寺康熙雍正兩志及郡縣志俱不載考金史地理

志保州順天軍節度使宋舊軍事天會七年置順天軍節

度使元史地理志保定路本清苑縣唐隸莫州宋升保州

金改順天軍又元郝經趙簡子廟記云金源氏以保州爲
燕都畿內節鎮升爲順天軍好問係金人則所稱順天當
卽指今之保定府而金時清苑縣亦係附郭寺在縣境無
疑是則好問嘗僑寓此間今寺雖廢而名賢踪蹟所留不
可任其淹沒爰據以補入

永甯寺在府治南元中統二年建貯佛經五百卷

大清一統志

謹案寺卽俗所稱南大寺

清覺寺在府治東南元至元間建

雍正志 潘江清覺寺詩
頻年野興滿江關縱步城

東古寺間門外春風催柳色座中高衲似秋山得聞往事偏
多感翻信浮生未易閒不覺快遊成竟日斜陽歸路暮雲斑

謹案寺在城東南隅卽俗所稱東大寺今寺已廢寺基爲

民居侵占僅餘明碑一尙巋然獨立係天順四年保定府
知府吳郡張杕所撰碑文亦漫漶不可讀

崇慶寺在北關外元至正中建廡下有大槐可十圍元時所植後殿有天順三年碑一一係陸厚撰一係田場撰雲庵和尚道行碑前殿復有明嘉靖二十四年重修碑記一一係高陽劉恩撰一係安肅王沼撰寺卽俗所稱北大寺採訪冊

淨土寺在府治西

府志

謹案寺今不可考疑卽俗所稱西大寺而額題古遮雲庵未知何本

靈雨寺在西關外

雍正志

月潭院在城西吳家灣俗名十方院明崇禎初年建先是魏忠賢矯詔令天下建祠郡守方一藻託故稽延及忠賢敗因

其材建

府志

延慶寺在東間村漢永昌中建

雍正志

壽聖寺在百塚村北齊建原額智雲宋改今名

同上

苑東庵在縣東

據述本堂詩集增

國朝方觀承雨後宿苑東庵詩別院儼僧家鐘魚事已奢僧移殘歲

榻人獻近村花月霽簷開鏡春游雨淨沙初程三十里無減亦無加

謹案舊志不載今考方觀承述本堂詩注云地在清苑縣

東故名庵成延安肅慈航寺僧王之又案詩云初程三十

里則庵應在縣東三十里

無我庵在縣西南金家莊明戶部郎中金銓建

採訪冊明邢雲路撰無

我庵記略吾戚友金我平自述云少好遊及歸老則好靜卜城南金家莊東南隅一善地西向起一重樓以兩屋樓之下祀蜡神為午歲蝗不入境答神床也其上奉白衣大士像為鄉人所廣嗣焉於北構禪堂三間西北隅一龕供諸佛東一間為靜室延高僧說偈參禪即懸已小像於中為庵主西置小房五間為僧居內所有法器鐘磬幡花等若結夏等衣香積厨等事物一一具備復有園畦并菴地共四畝五分零供蔬典王仲才地十二畝供菽粟外則開一山門南向一望叢林成一勝境因命名曰無我庵欲學吾宣父母我亦方大雄氏無我相也主人以是別號無我道人主人意草創如此

繼此仍欲充拓蓋既舍此爲庵冀子孫世
守增修不得爭以爲產云萬曆甲寅夏

九天觀在縣東上閘

康熙志

明張羅彥移九天觀記

九天觀記九天

春予乞假歸省鄉大夫飲予於張氏園適僧人常興持簿醮
金將創雷神祠於郡城內之東北隅予聞堪輿家言東北艮
地爲天市垣舊有東嶽祠踞吉位若於其方更造作必主兵
於風氣有傷宜議寢座中有從僧說者予亦念僧衣食於神
或懷金而逸未必舉也卽舉之亦未必大作始遣之去比予
入典劇司而工作興九天觀成矣辛巳予爲時所逐丁憂里
居王午冬遇有警分守西門時府令察保甲最嚴予同諸文
學步行劉生九龍等要予於路謂九天觀人稱姦藪察宜倍
密予以非汎地辭固強之乃始偕鄉紳常繩我孝廉張舉之
劉凝禧賈敏士及居民數百人與俱入見其廟貌鬼戕幾與
城平神之像儼然人誕矣過殿東遊僧在焉娼優在焉有市
猾潛居者有男女並棲者院宇曲折或通或塞室居邃密忽
暗忽明甫直行倏旁出眾疑之誠是也殿西有小廟中爲壽
星左爲老聃右則爲吾夫子予與同事者相顧駭愕不能不
執僧而問之矣淫祠褻神罪一秘跡蓄姦罪二雜絲竹於清
磬罪三溷男婦於曲房罪四至先師非僧所祀而亦設有塑
像處以偏室尤罪大惡極而不可赦者年來兵火頻仍堪輿
家言且驗矣聲罪及斯僧俛首伏辜自言別爲之所眾議付
有司者治之予恐僧誅而廟毀廟毀而神恫不得已廢法聽
其移於城外予爲之相度地勢安置巽方巽爲風而以雷神

居之易曰風雷益蓋足取也夫神固予之所畏予供事郊壇亦奉雷神之祀矣今在僧爲瀆於神爲正事有因之而可安者則亦因之而已但使姦宄清於僧舍俎豆還於孔庭神乃以專饗而受其位故觀之名仍曰九天予捐資而落成焉時癸未六月也

玉清觀在府治西北隅箭道東觀已廢僅存基址今其地猶名玉清觀有明碑二東首一碑爲景泰四年道人邢守道立石宏治六年更新西首一碑爲成化十八年立額題重新玉清觀創開道紀司之記中復有石幢一幢凡四面南面刻道人像北面刻雲雷形頗精巧東西兩面刻記文係

國朝康熙四十七年立據景泰碑稱觀本宋元時舊基元末燬於兵燹至明宣德四年因旱延易州邢守道設壇祈雨道人始至寓東嶽廟嗣見此觀憫其廢墜奏立道紀司於此至宣德五年始更新之碑尙完好字半漫漶不可讀故未錄

探訪冊

謹案此觀康熙雍正兩志及郡縣志俱未載今觀已廢壞
賴前明兩碑歸然尙存想見在昔規模宏敞實爲郡垣勝
地足使人憑弔誌慨云

滿城縣

大覺寺在縣治北金時建明洪武初更新之順治十六年邑
人方可際捐資重修乾隆二十二年僧淨玉修葺邑知縣皮

殿選撰有記文

採訪冊 明南壽撰記略寺曰大覺古額也
是寺在金一小庵耳天會中有僧圓宗始創

之以奉養其母已而昇僧惠圓當大定間世宗之亞母拓大
之以爲功德院始賜大覺禪院之額承安初僧祖日方大作
諸佛菩薩羅漢像於是始建大殿而列之繼而僧祖謙日務
營葺於是主廊方丈寢室口庫鐘樓蔬圃次第建置而規制
備矣其院後古塔則惠圓之舍利也元末兵燹我朝洪武初
卽其舊址而更新之易名曰寺而置僧會司於其中正統丙
辰僧會學端宏治壬子僧會想真皆嘗興作而制猶未備今
正殿山門方丈及諸佛菩薩羅漢之像之巍然雄而煥然麗
者則皆僧會想宏想來及我宗叔義官湖之所重修而增飾
者也宏來新興於正德丁丑迄今嘉靖己丑而告成予少遊

是寺識諸僧茲自徽守述職京師便道謁焉適其功成之日因來求記書以與之

謹案寺有金泰和四年碑記又有石幢一當同為金時所立

龍泉寺在縣東

謹案縣志云在縣東十五里南奇村西北

相傳建自隋唐四無牆

垣古木森列後有雞距泉右有紅花泉上通一畝泉河水環

繞可為遊賞勝地

康熙志

石佛寺在縣南十五里段王村唐貞觀中建邑教諭慈谿馮

日望撰記

縣志

環山寺在縣北二十里紫口村元至元中建

康熙志

聖教寺在縣西十里抱陽山中隋時寶教院也唐張說增修

雍正志

宋景德大名路總管邢仲良復為起廢至元十年僧人

福遷重修明正統六年保定中衛千戶孫榮復修葺之

縣志

定惠寺在抱陽山上隋開皇中建唐大厯中始成左有精舍

上有寶坊

雍正志 元郝經抱陽寺詩屏顏蒼玉抱幽村突兀雙龍窟宅尊回首萬山東盡處冷烟平遠半乾坤

坤

興福寺在縣東五里馬村

縣志 邑知縣張煥重修興福寺碑記略 邑東五里許有墟落焉曰

馬村地當孔道為赴郡者所必由余自承乏玉川往來於此見村之西鄙有頽垣圯壁榱崩棟折而飄搖於烟蘿雨篠間者心焉惻之停驂諦視其地猶有孤碣巍然拂去塵蘚其文蓋可誦也是為古刹曰興福寺初建於金明昌六年修葺於有明之嘉靖九年蓋至今幾二百載矣僧寮蕩滅住持無存香火斷絕鼓鐘寂然瞿曇法王色相剝敗無復莊嚴蓮臺菱於苦雨獅象暝於淒風當其信心檀那初作功德甯詎乏伊蒲香供開土清修而歲邁時殊遂致如此吾人同居大千世界未免有情又烏得無今昔之感於是退而捐厥清奉鳩工庀材整舊復新俾天香花雨之間暮鼓晨鐘之下智愚賢不肖之人聞之見之咸悚然其有警心乎工既竣而書所見以為記勒之石誌余此舉非不急務也

月明寺在縣北元張柔建

府志

法明寺在縣南三里唐時建

同上

安肅縣

興國寺在縣治東明洪武時建置僧會司於內康熙志

圓覺寺在大公村北明宣德嘉靖間修葺康熙四十四年重

修縣志

謹案縣志載有張晉撰記文詞浮泛無關事實但稱薛公以進士治肅期年之間政治民豐鳩工葺治考縣志職官有知縣薛祖順由進士康熙四十四年任所稱薛公蓋卽指祖順也

永正寺在縣西南正村南同上劉騰霄撰寺記略安肅西二十五里許正村有永正寺蓋創

自古昔世遠年湮莫可考據成化間嘗葺而治之嗣以風雨剝蝕日就傾頽村氓環視撫然興嘆咸欲更新力弗能舉維時內侍楊西泉僉謀諸眾結社累資將以改觀舊制而眾咸允若遂糾工度材百堵皆作經始於隆慶五年三月吉日落成於萬曆四年二月吉日

興聖寺在縣北十里許白塔村成化八年修葺萬厯三十三

年重建後有七級浮圖一座

同上

慈航寺在漕河南寺東有給孤獨園前總督方觀承官布政

使時建

同上 國朝方觀承漕河宿給孤寺示禪僧鑑慈詩行塵初憇月盈灣旌轡頻年閱往還樹影不移濃淡

處河流數問淺深間僧添白髮緣何事地近青山忍獨聞聽罷鐘聲呼飯熟道旁曾恤幾鰥顏 又慈航寺為禪僧鑑慈

作二十八疊韻并序

寺臨漕河渡為畿南孔道鑑慈名元

通發願收養覺瘡余率守令助之經理冬月嘗至千人鑄大

鑊供四百人於鑑輿就養者同食一脯甚勤苦 鐘誦具僧

家真看願力奢饑人方索飯弟子漫拈花航渡一莖葦車痕

百道沙頻來禪榻

畔共我髻絲加

永安寺在高林營有劉世卿印造藏經一部

府志 邑人陳公定撰碑記略

遂城之永安寺

創造於明正德元年繼修於明隆慶四年我

清受

命以來祇園再見驚岳增輝於

龍

飛之九載前殿圯圻居人王彥清等為之補葺又次年禪室

傾頽居人袁成有等實繕完之事既竣住持來乞言余因誌

之匪第記香室之復興將以復聖教之由來云爾

北極層觀又名祐聖觀在故遂城北宋楊延昭建觀左有臨

瀑泉

大清一統志

邑人鄭洛撰記略遂城古武遂州稱

雄鎮焉北墉之巔舊有真武廟元延祐間重修有記然

止侈美當時之作事者再修於明宏治間先曾大父宦游江

左託山陰高大夫爲記然亦止以真武稱廟若廟之肇基及

觀名祐聖亦弗書焉余觀先叔大父松崖公所撰遂城八景

略而知其所由始也八景中其一北極層觀觀名祐聖蓋宋

帥楊公彥朗所建其事則考之廢誌非無據也嗟嗟匪文獻

可徵則祐聖之名與楊公之蹟千古一塵土耳厯歲既久廟

復傾頽鄉人某謂不足以妥神也乃鳩財集工增其制而新

之且廟基故崇峻加之結構賁飾則巍然煥然偉哉一靈境

矣鄉人問記於鄭子以家世於此也惟茲廟貌聿新威靈有

赫歲時伏臘鄉之人所者報者奔走而醺祭者皆悚惕不甯

儼若神鑒之昭昭然當是時善念生若或牖之惡念息若或

屏之蓋有明明憲法所不能勸懲者皆由茲而感動焉則茲

廟也其裨於世教也豈其微哉是曷可任其淪壞弗修也廟

凡三楹左右有側宇工肇於癸酉竣於甲戌考之掌故名祐

聖觀迄今三百年矣今爲復還觀號

日祐聖其有裨於世教者如此云

天慶觀在縣東北宋祥符時修

縣志

碧霞元君祠在縣境

康熙志

馮惟敏安肅碧霞祠詩板築空餘宋故疆野人猶解說楊郎邦畿千

里今安堵烽埃三關古戰場紫塞遙連虛帶礪白溝
近繞豈金湯建隆無意山南地當日應知有靖康

定興縣

萬壽寺在縣西江村明鹿善繼講學於此禪室皆寓生徒僧

行亦尚儒雅書聲達旦三十年

雍正志

鐵瓦寺在縣南四十里固城明正德中建屋瓦羅漢皆鐵鑄

同上

謹案今固城鎮有觀音寺萬厯中碑記云鎮本名龍泉以

泉水得名苻秦時泉溢爲農患乃築井束水元延祐間有

碑尙名龍泉鎮觀音寺殆卽此寺今井覆有亭道光中所

建也

永傳寺在縣東江村明楊繼盛讀書處

同上

沙邱寺在石柱村明天啟六年地震柱頂上石落地一夜完